

ა(ა)იპ „მუნიციპალური სერვისების განვითარების სააგენტო“

სატენდერო დოკუმენტაცია

(CPV55100000-სასტუმროს მომსახურება)

გამარტივებული ელექტრონული ტენდერი

წინამდებარე სატენდერო დოკუმენტაცია შედგენილია „სახელმწიფო შესყიდვის შესახებ“ საქართველოს კანონისა და სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ საფუძველზე.

2016წ
ქ. თბილისი

1. ინსტრუქცია ტენდერში მონაწილეთათვის

1.1. სახელმწიფო შესყიდვების ერთიან ელექტრონულ სისტემაში (შემდგომში-სისტემა) შესყიდვების პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავჯდომარის 2011 წლის 7 აპრილის #9 ბრძანების შესაბამისად.

1.2. სახელმწიფო შესყიდვების ელექტრონული სისტემის მომხმარებლის სახელმძღვანელო მოცემულია საიტზე: www.procurement.gov.ge.

1.3. ტექნიკური დოკუმენტაციის განხილვისას უცხოენოვან დოკუმენტს და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4. სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.5. პრეტენდენტს არა აქვს უფლება წარმოადგინოს ალტერნატიული წინადადება.

1.6. სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი და ინფორმაცია ხელმოწერილი და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ.

1.7. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის – „კითხვა/პასუხის“ მეშვეობით, ან/და სატენდერო კომისიის აპარატში. ქ. თბილისი, მიცკევიჩის N29-29ა, საკონტაქტო პირი: ნუზარ შარიქაძე ტელ: +995 (0) 32 237 82 67. 577114547

2. ტექნიკური მოთხოვნები

2.1.1 შესყიდვის ობიექტის ტექნიკური დავალება:

ცხრილი N1

მომსახურების დასახელება	რაოდენობა კაცი	დღეების რაოდენობა
ერთადგილიანი ნომერი - 14	14	2 დღე
ორადგილიანი ნომერი - 30	60	2 დღე

სასტუმროში დაბინავების მომსახურების აღწერა:

ცხრილი N2

	მომსახურების დასახელება	რაოდენობა კაცი	დღეების რაოდენობა
I ჯგუფი	ერთადგილიანი ნომერი - 9	9	2 დღე
	ორადგილიანი ნომერი - 22	44	
II ჯგუფი	ერთადგილიანი ნომერი - 5	5	2 დღე
	ორადგილიანი ნომერი - 8	16	

სასტუმროში ადამიანების დაბინავება უნდა განხორციელდეს ერთადგილიან და ორადგილიან ნომრებში წინამდებარე ცხრილი N2 შესაბამისად. ნომრები აღჭურვილი უნდა იყოს ინდივიდუალური სველი წერტილებით, ტელეფიზორით, მაცივრით, გათბობა/გაგრილების სისტემით და მისი ინდივიდუალური მართვის საშუალებით; მუდმივი წყალმომარაგებით (ცხელი და ცივი წყალი) და ელექტრომომარაგებით; ასევე ნომრები უზრუნველყოფილი უნდა იყოს ჰიგიენური საშუალებებით (პირსახოცები, საპონი, შამპუნი- კონდიციონერი, საბაზანო გელი), ფენით, თეთრეულით, ხალათებითა და ჩუსტებით. სასტუმროში დაცული უნდა იყოს სისუფთავე, სასტუმროს ნომრები უნდა დალაგდეს ყოველდღიურად. თეთრეული და პირსახოცები უნდა იყოს გარეცხილი/გაუთავებული, პირსახოცები უნდა იცვლებოდეს ყოველდღიურად; ნომრებში თითოეულ სტუმარზე უნდა იყოს არანაკლებ 0,5 ლიტრი სასმელი წყალი დღეში და ჩაი და ყავა შეუზღუდავი რაოდენობით თვითმომსახურების საშუალებით.

ნომრებში უნდა იყოს მუდმივი, უფასო უკაბელო ინტერნეტი და საკაბელო ტელევიზია (ინტერნეტით სარგებლობა შესაძლებელი უნდა იყოს სასტუმროს მთლიან ტერიტორიაზე); სასტუმროში ყოფნის პერიოდში სასტუმროს პერსონალმა უნდა უზრუნველყოს სტუმრების ტვირთის უსაფრთხოება და ოთახების 24 საათიანი მომსახურება. სასტუმრო უნდა მდებარეობდეს დაცულ, იზოლირებულ ტერიტორიაზე, უნდა გააჩნდეს ეზო, ტერასა, რომელიც განკუთვნილი იქნება მხოლოდ სასტუმროს მომსახურებისათვის. სასტუმროს უნდა ემსახუროდეს დაცვა და გააჩნდეს ვიდეო სისტემის კონტროლი.

ოთახში მინი ბარის არსებობის შემთხვევაში, მინი-ბარის დანახარჯებს საკუთარი სახსრებით აანაზღაურებს სტუმარი და მისი ბრალეულობით სასტუმროზე მიყენებულ მატერიალურ ზიანზე პასუხისმგებლობა ეკისრება სტუმარს.

სასტუმროს შენობაში უნდა გააჩნდეს სულ მცირე 3 (სამი) საკონფერენციო დარბაზი, რომელიც გათვლილი იქნება არანაკლებ 30 პერსონაზე.

2.1.2 სასტუმროს საკონფერენციო დარბაზით მომსახურების არწერა:

მომსახურების დასახელება	რაოდენობა დარბაზი	დღეების რაოდენობა
საკონფერენციო დარბაზი (30 მონაწილე)	3 (I ჯგუფი)	2 დღე
საკონფერენციო დარბაზი (30 მონაწილე)	1 (II ჯგუფი)	2 დღე

სასტუმროს საკონფერენციო დარბაზის მომსახურების აღწერა:

სასტუმროს უნდა გააჩნდეს არანაკლებ 30 (ოცდაათი) პერსონაზე გათვლილი 3 (სამი) საკონფერენციო დარბაზი, რომელიც აღჭურვილი უნდა იყოს პროექტორითა და ეკრანით, ლეპტოპით/კომპიუტერით, უკაბელო მიკროფონებით, ინტერნეტთან წვდომით, ჭლოკნოტები/ფურცლებით და კალმებით თითოეული

მონაწილისათვის, ფლიპჩარტის დაფითა და ქაღალდით, მარკერებით, გათბობა-კონდიციონერით, თითოეული პერსონისათვის არანაკლებ 0,5 ლიტრი სასმელი წყლით; საკონფერენციო ოთახში მონაწილეთა განსათავსებლად მაგიდ(ებ)ის განლაგება უნდა შეთანხმდეს შემსყიდველთან.

მომსახურების ხარისხი უნდა შეესაბამებოდეს თანამედროვე მოთხოვნებს.

2.1.3 კვებით მომსახურება - შვედური მაგიდა და ყავა-ჩაის მომსახურება:

მომსახურების დასახელება	რაოდენობა (კაცი)	რაოდენობა
საუზმე	74	2
სადილი	74	2
ვახშამი	74	2
ყავა-ჩაის შესვენება	74	2

სასტუმროში კვებასთან და ყავა-ჩაის შესვენებასთან დაკავშირებით მომსახურების აღწერა:

კვება: შვედური მაგიდა, შემოთავაზებული მენიუ უნდა იყოს მრავალფეროვანი რაციონის და ცვალებადი, გათვლილი დაბინავებული სტუმრების რაოდენობაზე.

საუზმე: არანაკლებ - 2 სახის ცხელი კერძი, 2სახის გარნირი, 2 სახის რძის ნაწარმი, 2 სახის ძეხვეული, 2 სახის დესერტი და 2 სახის ცომეული, ასევე სასმელი – ყავა, ჩაი, წვენი (შეუზღუდავი რაოდენობით).

სადილი: არანაკლებ -3 სახის ცხელი კერძი (მათ შორის 1 წვნიანი), 5 სახის ცივი კერძი, 2 სახის ცომეული და დესერტი. ასევე სასმელები – ყავა, ჩაი, წვენი, გაზიანი სასმელი, მინერალური წყალი (ჩაი და ყავა უნდა იყოს შეუზღუდავი რაოდენობით);

ვახშამი: არანაკლებ – 3 სახის ცხელი კერძი, 2 სახის გარნირი, 2 სახის ძეხვეული, 2 სახის რძის ნაწარმი, 2 სახის დესერტი და 2 სახის ცომეული, ასევე სასმელები – ყავა, ჩაი, გამაგრილებელი სასმელი (ჩაი და ყავა უნდა იყოს შეუზღუდავი რაოდენობით);

ყავა-ჩაის შესვენება: ყავა (მოთხოვნის შემთხვევაში რძიანიც), ჩაი (მწვანე, შავი) და არანაკლებ 2 სახის ნამცხვარი, (ყავა და ჩაი უნდა იყოს შეუზღუდავი რაოდენობით) – კვების დროს მენიუში გათვალისწინებული უნდა იყოს სამარხო კერძები. კვების მომსახურების კონკრეტული დრო უნდა შეთანხმდეს შემსყიდველთან.

სასადილო ოთახში უნდა იყოს გამართული გათბობა/გაგრილების სიტემა და დაცული უნდა იყოს სანიტარული ნორმები. მისაწოდებელი კერძები და კვების პროდუქტები თავისი საგემოვნო თვისებებით უნდა შეესაბამებოდეს შესაბამის სტანდარტებს და უნდა იყოს საკვებად ვარგისი, ჯანმრთელობისათვის უვნებელი.

2.2 მატერიალურ ტექნიკური ბაზა:

2.2.1 პრეტენდენტს საკუთრებაში ან სარგებლობის უფლებით უნდა გააჩნდეს სატენდერო დოკუმენტაციის ტექნიკური პირობებით განსაზღვრული მოთხოვნების შესაბამისი მომსახურების გასაწევად საჭირო მატერიალურ-ტექნიკური ბაზა, რომლის გადამოწმებაც შესაძლებელი უნდა იყოს მიმწოდებლის ვებ-გვერდის საშუალებით.

2.3 ანაზღაურება განხორციელდება ფაქტობრივად შესრულებული მომსახურების მიხედვით

2.3.1 ანგარიშსწორება განხორციელდება მიღება-ჩაბარების აქტის გაფორმებიდან არაუგვიანეს 10 კალენდარული დღის განმავლობაში

2.3.2 საავანსო ანგარიშსწორება არ გამოიყენება;

2.3.3 დაფინანსების წყარო - 2016 წლის ადგილობრივი თვითმმართველობის ბიუჯეტის სახსრები.

2.4 მომსახურების გაწევის ვადა, ადგილი და ანგარიშსწორება:

2.4.1 მომსახურება გაწეულ უნდა იქნას ხელშეკრულების გაფორმებიდან 15 კალენდარული დღის შემდეგ, მიმდინარე წლის ბოლომდე, ორ ჯერზე, ორი ჯგუფისთვის, **მხოლოდ შაბათ-კვირას**. ვიზიტორთა სასტუმროში განთავსება პარასკევს, 20 საათისთვის. სასტუმროდან გამომგზავნება კვირას, 18 საათის შემდეგ. მომსახურების თარიღები შემსყიდველთან შეთანხმებით.

2.4.2 ვიზიტორთა სია გადაცემულ იქნება შეხვედრამდე არაუგვიანეს ერთი დღისა.

2.4.3 მიწოდების ადგილი: თბილისის ფარგლებს გარეთ, კახეთის რეგიონი და/ან სამცხე-ჯავახეთის ტერიტორია (საქართველოს მთავრობის 2013 წლის 31 ოქტომბრის N1532 განკარგულების თანახმად).

2.5. პრეტენდენტის მიერ ერთიან ელექტრონულ სისტემაში ასატვირთი მონაცემები:

2.5.1 მომსახურების ხარჯთაღრიცხვა დანართი №2-ის შესაბამისად.

2.5.2 მომსახურების გასაწევად საჭირო მატერიალურ-ტექნიკური ბაზის საკუთრებაში ან სარგებლობის უფლების სახით ფლობის დამადასტურებელი დოკუმენტაცია; ამასთან, ზემოაღნიშნულს უნდა დაერთოს სადემონსტრაციო მასალა (სასტუმროს, ოთახების, სასადილოს, საკონფერენციო დარბაზის ფოტოები), რისი გადამოწმებაც შესაძლებელი უნდა იყოს მიმწოდებლის ვებ-გვერდის საშუალებით;

2.5.4 პრეტენდენტის რეკვიზიტები - №1 დანართის მიხედვით.

2.6. სატენდერო წინადადების ფასი:

2.6.1 სატენდერო წინადადების ფასი გამოსახული უნდა იყოს ეროვნულ ვალუტაში - ლარში. სატენდერო წინადადების ფასი მოიცავს გასაწევ მომსახურებასთან დაკავშირებით მიმწოდებლის ყველა ხარჯს და საქართველოს კანონმდებლობით გათვალისწინებულ ყველა გადასახადს.

2.6.2 შესყიდვის ობიექტის სავარაუდო ღირებულება შეადგენს 30 000 (ოცდაათი ათასი) ლარს, დღგ-ს ჩათვლით.

2.6 ფასწარმოქმნის ადეკვატურობის დადასტურება:

2.6.1 იმ შემთხვევაში, თუ პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით არის დაბალი შესყიდვის ობიექტის სავარაუდო ღირებულებაზე, მაშინ პრეტენდენტმა უნდა დაასაბუთოს ფასწარმოქმნის ადეკვატურობა 5 სამუშაო დღის ვადაში, აკრედიტირებული პირის მიერ გაცემული საექსპერტო ან/და აუდიტორული, ან/და საშემფასებლო დასკვნით (დასკვნასთან ერთად წარმოდგენილ უნდა იქნას დასკვნის გამცემი პირის შესაბამისი უფლებამოსილების/აკრედიტაციის დამადასტურებელი დოკუმენტის ასლი) ან გაფორმებული ხელშეკრულებით ან მიღება-ჩაბარების აქტით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას (სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-11 მუხლის 2¹ პუნქტის შესაბამისად).

2.6.2 პრეტენდენტის მიერ წარდგენილი ფასწარმოქმნის ადეკვატურობის დასაბუთება დაზუსტებას არ ექვემდებარება.

შენიშვნა: შესაძლებელია ვიზიტების თარიღების ცვლილება, ასეთ შემთხვევაში შემსყიდველი მიმწოდებელს გააფრთხილებს 2 კვირით ადრე.

პრეტენდენტის რეკვიზიტები

პრეტენდენტის იურიდიული ფორმა და დასახელება:

საიდენტიფიკაციო ნომერი/პირადი ნომერი:

ხელმძღვანელის სახელი და გვარი:

პრეტენდენტის იურიდიული/ფაქტიური მისამართი:

ტელეფონის ნომერი:

ელ.ფოსტის მისამართი:

ბანკის დასახელება:

ბანკის კოდი:

ა/ანგარიში:

პასუხისმგებელი პირის თანამდებობა სახელი გვარი

ხელმოწერა

ბ.ა

ფასების ცხრილი

პრეტენდენტის დასახელება _____

მომსახურების დასახელება	რაოდენობა (კაცი)	დღეების რაოდენობა	ერთეულის ფასი	სულ ფასი
ერთადგილიანი ნომერი - 14	14	2 დღე		
ორადგილიანი ნომერი -30	60	2 დღე		

მომსახურების დასახელება	რაოდენობა	დღეების რაოდენობა	ერთეულის ფასი	სულ ფასი
საკონფერენციო დარბაზი (30 მონაწილე)	4	2 დღე		

მომსახურების დასახელება	რაოდენობა (კაცი)	რაოდენობა	ერთეულის ფასი	სულ ფასი
საუზმე	74	2		
სადილი	74	2		
ვახშამი	74	2		
ყავა-ჩაის შესვენება	74	2		

ხელშეკრულება სახელმწიფო შესყიდვების შესახებ #
(გამარტივებული ელექტრონული ტენდერი # SPA-----)

ერთის მხრივ, შემსყიდველი ა(ა)იპ „მუნიციპალური სერვისების განვითარების სააგენტო“, წარმოდგენილი მისი თავმჯდომარის ----- სახით და მეორეს მხრივ, მიმწოდებელი ----- წარმოდგენილი მისი ----- სახით. ერთი მხრივ - „შემსყიდველი“, და მეორე მხრივ - „მიმწოდებელი“, ორივე ერთად წოდებული როგორც `მხარეები~, ვმოქმედებთ, რა საქართველოს მოქმედი კანონმდებლობის და „სახელმწიფო შესყიდვების შესახებ~ საქართველოს კანონის შესაბამისად, ვთანხმდებით შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს მომსახურებას ხელშეკრულების ფარგლებში.
- 1.6. „მომსახურება“-ხელშეკრულების მე-2 მუხლით გათვალისწინებული ხელშეკრულების საგანი.
- 1.7 „ტექნიკური დავალება“ - სატენდერო დოკუმენტაციით განსაზღვრული ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

2.1 სასტუმროს მომსახურების შესყიდვა (CPV55100000).

3. ხელშეკრულების ღირებულება

- 3.1 ხელშეკრულების ღირებულება: ----- ლარი.
- 3.2 ერთეულის ღირებულება განსაზღვრულია დანართით №2 (ფასების ცხრილი).
- 3.3 ხელშეკრულების ღირებულება შეიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.
- 3.4 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისთვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

4. მხარეთა უფლება-მოვალეობები

- 4.1 მიმწოდებელი ვალდებულია:
ა(ა)იპ „მუნიციპალური სერვისების განვითარების სააგენტოს“ გაუწიოს სასტუმროს მომსახურება დანართი №2-ის (ფასების ცხრილი) და ტექნიკური დავალების შესაბამისად.

4.2 მიმწოდებელი უფლებამოსილია:

ა) შემსყიდველს მოსთხოვოს ხელშეკრულებით ნაკისრი ვალდებულებების შესრულება.

4.3 შემსყიდველი ვალდებულია:

ა) განახორციელოს წინამდებარე ხელშეკრულებით გათვალისწინებული მოთხოვნების დაცვით გაწეული მომსახურების ღირებულების ანაზღაურება.

4.4 შემსყიდველი უფლებამოსილია:

ა) მიმწოდებლისგან მოითხოვოს მომსახურების გაწევა ხელშეკრულებით გათვალისწინებულ დროსა და ადგილას;

ბ) შეამოწმოს მოსახურების გაწევის ხარისხი.

გ) მონიტორინგის შედეგად მიმწოდებლის მიერ ხელშეკრულებით გათვალისწინებული პირობების დარღვევის აღმოჩენის შემთხვევაში მისცეს მას მითითება ვალდებულებების დარღვევის გამოსწორების შესახებ ან შეწყვიტოს (არ განახორციელოს) მიმწოდებლის დაფინანსება.

5. ანგარიშსწორების ფორმა და ვადები

5.1 გაწეული მომსახურების ანაზღაურება განხორციელდება ეტაპობრივად, მიღება-ჩაბარების აქტის გაფორმების, სასაქონლო ზედნადებისა და საგადასახადო ანგარიშ-ფაქტურის (იმ შემთხვევაში თუ მიმწოდებელი დღგ-ს გადამხდელია) წარმოდგენის თარიღიდან არაუგვიანეს 10 სამუშაო დღის ვადაში;

5.2 ანგარიშსწორების ვალუტა: ლარი;

5.3 ანგარიშსწორების ფორმა: უნაღდო.

6. მიღება-ჩაბარების წესი

6.1 წინამდებარე ხელშეკრულებით გათვალისწინებული მომსახურების მიღების მიზნით, შემსყიდველსა და მიმწოდებელს შორის ყოველთვიურად ფორმდება მიღება-ჩაბარების აქტი.

6.2 შემსყიდველის მხრიდან მიღება-ჩაბარების აქტზე ხელმოწერის უფლებამოსილება ენიჭება ---

7. მომსახურების გაწევის ადგილი და ვადა

7.1 მომსახურების გაწევა უნდა განხორციელდეს ტექნიკური დავალების შესაბამისად.

7.2 მომსახურება უნდა განხორციელდეს სატენდერო დოკუმენტაციით გათვალისწინებული პირობების შესაბამისად.

8. პირგასამტეხლო ხელშეკრულების პირობების შეუსრულებლობისათვის

8.1 მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვნად, კეთილსინდისიერად, ხელშეკრულებით დათქმულ დროსა და ადგილას. მხარეები პასუხს აგებენ ხელშეკრულებით განსაზღვრული პირობების შეუსრულებლობის, არაჯეროვანი შესრულების ან/და დაგვიანებით შესრულებისათვის ხელშეკრულებით და საქართველოს კანონმდებლობით დადგენილი წესით.

8.2 ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობის, არაჯეროვანი შესრულების ან/და დაგვიანებით შესრულების შემთხვევაში გამოიყენება სანქციები, რომელთა ფორმა, ოდენობა, ამოქმედების პირობები განსაზღვრულია წინამდებარე ხელშეკრულებით.

8.3 მიმწოდებლის მიერ ნაკისრი ვალდებულებების შეუსრულებლობის ან/და არაჯეროვნად შესრულების

შემთხვევაში შემსყიდველი უფლებამოსილია დააკისროს მიმწოდებელს პირგასამტეხლო ხელშეკრულების ღირებულების 1%-ის ოდენობით.

8.4 არაჯეროვნად შესრულებას წარმოადგენს უხარისხო მომსახურების გაწევა. ამასთან, არაჯეროვნად გაწეულად მიიჩნევა ნებისმიერი ვალდებულების შეუსრულებლობა, რომელიც ნაკისრი აქვს მიმწოდებელს წინამდებარე ხელშეკრულებით.

8.5 შემსყიდველი პასუხისმგებლობას კისრულობს, ხელშეკრულებით გათვალისწინებული ანგარიშსწორების ვადების დარღვევისათვის, პირგასამტეხლოს სახით მიმწოდებელს გადაუხადოს ვადაგადაცილებული თანხის 1%-ის ოდენობით.

9. ხელშეკრულებაში ცვლილების შეტანა და ხელშეკრულების შეწყვეტა

9.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

9.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

9.3 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

10. დაუძლეველი ძალა

10.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

10.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

10.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

11. ხელშეკრულების მოქმედების ვადა

წინამდებარე ხელშეკრულება ძალაში შედის ამ დოკუმენტის თავში მითითებული თარიღიდან და მოქმედებს ჩათვლით.

12. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. სხვა პირობები

ხელშეკრულება შედგენილია ორი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ერთი შემსყიდველს.

15. მხარეთა რეკვიზიტები:

შემსყიდველი

მიმწოდებელი